

Na osnovu člana 16. stav 1. i člana 17. stav 2. Zakona o Vladi HNK („Službene novine HNK“, broj: 3/07 i 5/09) i člana 24. Zakona o koncesijama Hercegovačko-neretvanskog kantona („Službene novine HNK“, broj: 1/13), a u vezi sa članom 65. Zakona o koncesijama Hercegovačko-neretvanskog kantona („Službene novine HNK“, broj: 1/13), Vlada Hercegovačko-neretvanskog kantona je na 44. sjednici, održanoj 26.3.2013. godine, donijela

**ODLUKU O DODJELI KONCESIJE PREDUZEĆU „RIO“ D.O.O. MOSTAR ZA  
EKSPLOATACIJU MINERALNE SIROVINE BOKSITA NA LEŽIŠTU  
„JASENJANI“ GRAD MOSTAR**

**Član 1.**

Na osnovu provedenog javnog poziva za podnošenje ponuda za dodjelu koncesije za eksploataciju mineralne sirovine boksita na ležištu „Jasenjani“ Grad Mostar, broj: 07-04-20-540-29/09 od 21.10.2011. godine, dodjeljuje se koncesija za eksploataciju mineralne sirovine boksita na ležištu „Jasenjani“ Grad Mostar koncesionaru „Rio“ d.o.o. Mostar (u daljem tekstu: Koncesionar), uz obavezu poštivanja uslova datih u Mišljenju Gradskog Vijeća Grada Mostara, broj: 01-02-283/08 od 3.10.2008. godine.

**Član 2.**

Eksploatacija mineralne sirovine boksita će se obavljati na području Grada Mostara, na istražnom ležištu „Jasenjani“ unutar koordinata:

| <b>TAČKA</b> | <b>Y</b>         | <b>X</b>         |
|--------------|------------------|------------------|
| <b>A</b>     | <b>6 482 340</b> | <b>4 819 467</b> |
| <b>B</b>     | <b>6 482 347</b> | <b>4 819 545</b> |
| <b>C</b>     | <b>6 482 458</b> | <b>4 819 510</b> |
| <b>D</b>     | <b>6 482 438</b> | <b>4 819 455</b> |
| <b>E</b>     | <b>6 482 365</b> | <b>4 819 389</b> |

Površine 1,1 ha, na k.č. 749/1, 749/2, 749/3, 749/4 , 749/5, K.O. Jasenjani.

**Član 3.**

1. Koncesija se dodjeljuje na period od dvije godine.
2. Početkom korištenja koncesije smatrat će se dan pravomoćnosti rješenja kojim se odobrava izvođenje radova prema rudarskom projektu.
3. Koncesija prestaje istekom druge kalendarske godine od dana početka korištenja koncesije.

**Član 4.**

1. Jednokratna koncesijska naknada iznosi 16.000,00 KM.
2. Koncesionar je obavezan jednokratnu naknadu platiti danom potpisivanja ugovora o koncesiji, odnosno dužan je prilikom potpisivanja ugovora o koncesiji dostaviti dokaz o izvršenoj uplati jednokratne koncesijske naknade.
3. Tekuća (godišnja) koncesiona naknada iznosi 1,10 KM/t.

#### **Član 5.**

1. Prava i obaveze precizirat će se ugovorom o koncesiji koji će, uz predhodnu saglasnost Vlade, u ime koncesora sa koncesionarom potpisati ministra privrede HNK.
2. Krajnji rok za potpisivanje ugovora iz stava 1. ovog člana je 30 dana od dana konačnosti ove Odluke.
3. Eventualne izmjene i dopune ugovora o koncesiji, te raskid ugovora o koncesiji, ukoliko za to nastanu zakonski uslovi, vrši se na isti način i postupak kao kod zaključenja ugovora.

#### **Član 6.**

Ugovor koncesiji obavezno mora sadržati podatke iz članova 2., 3. i 4. ove Odluke, kao i slijedeće:

- a) sredstvo osiguranja za izvršavanje tekuće (godišnje) koncesijske naknade je безусловna bankarska garancija u vrijednosti predviđene godišnje naknade izračunate na osnovu godišnjeg plana eksploatacije, koju će Koncesionar dostavljati svake kalendarske godine trajanja koncesije u roku koji će se dodatno precizirati ugovorom o koncesiji;
- b) ostale obaveze koje su određene Javnim pozivom za podnošenje ponuda za dodjelu koncesije za eksploataciju mineralne sirovine boksita na ležištu „Jasenjani“ Grad Mostar, broj: 07-04-20-540/09 od 21.10.2011. godine.

#### **Član 7.**

1. Ugovor se neće potpisati ukoliko koncesionar ne dostavi dokaz o izvršenoj uplati jednokratne koncesione naknade.
2. Ugovor se neće potpisati ukoliko koncesionar u krajnjem roku za potpisivanje ugovora ne dostavi dokaza da je izmirio obaveze plaćanja poreza, doprinosa za PIO/MIO, doprinosa za zdravstveno osiguranje, kao i da je izmirio obaveze nastale na osnovu presuda, odnosno rješenja u sudskim postupcima.
3. Ukoliko se ne ispune uslovi iz stava 1. i 2. ovog člana, smatra se da ova Odluka nije ni donesena.

#### **Član 8.**

Nezadovoljni sudionik javnog poziva za dodjelu koncesije može, u roku os 15 dana od dana objavljivanja ove Odluke, Vladi Hercegovačko-neretvanskog kantona podnijeti zahtjev za preispitivanje Odluke, u skladu a članom 29. Zakona o koncesijama Hercegovačko-neretvanskog kantona.

#### **Član 9.**

Odluka stupa na snagu danom njene konačnosti i objavit će se u „Službenim novinama Hercegovačko-neretvanskog kantona“.

Bosna i Hercegovina  
Federacija Bosne i Hercegovine  
**Hercegovačko-neretvanski kanton**  
**VLADA**

**P R E D S J E D N I K**  
Denis Lasić

Broj:01-1-02-557/13  
Mostar, 26.3.2013. godine

